

Reglement for fylkesutvalet

Fastsett av fylkestinget i sak nr 26/95 og revidert i sak nr. 24/03 og xx/15

§ 1

Val og samansetnad

Fylkesutvalet har 9 medlemmer med varamedlemmer. Fylkestinget vel medlemmene blant fylkestinget sine medlemmer. Valet skjer ved høvestalval. **Leiarane av hovudutvala skal ikkje vere medlemmer i fylkesutvalet.**

Valet gjeld for den fylkeskommunale valperioden.

Fylkestinget vel blant fylkesutvalet sine medlemmer fylkesordførar og fylkesvaraordførar for heile valperioden. Fylkesordføraren leier møta i fylkesutvalet.

Fylkesordføraren og fylkesvaraordføraren skal ikkje vere medlem av eit hovudutval.

~~Alle medlemmene i fylkesutvalet med unnatak av fylkesordføraren og fylkesvaraordføraren skal vere medlem av eit hovudutval. Fylkesutvalet skal vere representert i alle hovudutval med minst ein, men ikkje meir enn to representantar.~~

~~Dersom ein medlem trer endeleg ut eller får varig forfall, trer varamedlem frå vedkomande gruppe inn i medlemmen sin stad i den nummerorden han er vald, jf kommunelova § 16, nr 2.~~

Fylkesrådmannen har møte- og talerett i fylkesutvalet, jf kommunelova § 23, nr 3. Retten kan utøvast av han personleg eller av ein av hans underordna.

§ 2

Arbeidsområde

Fylkesutvalet tek avgjerd i saker etter mynde delegert frå fylkestinget i enkeltsaker eller i delegeringsreglementet.

Fylkesutvalet gir tilråding til fylkestinget vedkomande årsbudsjett, økonomiplan, **regionale plansaker** og i andre saker der handsaminga startar i **eller er innom** fylkesutvalet.

§ 3

Saksgang

Saker frå hovudutvala skal som hovudregel gå direkte til fylkestinget utan handsaming i fylkesutvalet. Unntak gjeld for årsbudsjett, økonomiplan, **regionale plansaker** og saker frå hovudutvala som inneber endringar i føresetnadene i desse overordna dokumenta, eller der ein på annan måte legg opp til vedtak av vesentleg prinsipiell rekkevidde.

Fylkesordføraren er ansvarleg for å vurdere om sakene skal gå direkte frå hovudutvala til fylkestinget eller om dei bør gå via fylkesutvalet.

§ 4

Spesielle arbeidsområde

Likestillingsutval

Fylkesutvalet har funksjonen som likestillingsutval. Likestillingsutvalet skal ha egne møter med eiga sakliste og eiga møtebok.

Klagenemnd

Fylkesutvalet har funksjonen som klagenemnd etter forvaltningslova § 28. Det skal setjast opp eiga sakliste og førast eiga møtebok for klagenemnda.

Fylkesvalstyre

Fylkesutvalet har funksjonen som fylkesvalstyre etter vallova § 4-3.

Valnemnd

Fylkesutvalet har funksjonen som valnemnd ved val av medlemmer til politiske utval i fylkeskommunen. Valnemnda gir tilråding til fylkestinget.

Finansutval og planutval

Fylkesutvalet, med tillegg av hovudutvalsleiarane og gruppeleiarane for dei partia som eventuelt ikkje er representerte i fylkesutvalet eller har hovudutvalsleiar, har funksjon som finansutval i arbeidet med årsbudsjett og økonomiplan og som planutval i arbeidet med regionale plansaker. ~~Møta går alltid for stengde dører, jf kommunelova § 31, nr 5.~~

Fylkesplanutval

~~Fylkesutvalet har funksjonen som fylkesplanutval ved førebuinga av fylkesplanen. Møta går alltid for stengde dører, jf kommunelova § 31, nr 5.~~

Miljøvern

~~Fylkesutvalet har hovudansvaret for dei overordna tverrsektoroppgåvene innan miljøvern.~~

Byggje- og eigedomssaker

~~Fylkesutvalet fungerer som byggje- og eigedomsutval. I den mon byggjesakene verkar avgjerande inn på politikkkutforminga i sektorane skal sakene leggjast fram for vedkomande hovudutval. Siktemålet må vere at dette vert avklara gjennom hovudutvala sitt arbeid med funksjonsplanar og romprogram i samsvar med ordinær prosess for byggesaker.~~

Tannhelse

Fylkesutvalet har sektoransvaret for tannhelsetenesta og for budsjettområdet «Forvaltning».

§ 5

Sekretariat

Fylkesrådmannen har sekretariatsfunksjonen for fylkesutvalet. Han førebur sakene til utvalet og har ansvaret for at sakene er forsvarleg utgreidde, jf. kommunelova § 23, nr 2. Vidare har han ansvaret for at vedtaka vert iverksette.

Sekretariatet i samråd med leiaren kan innkalle personar til møta i fylkesutvalet som ein finn det ønskjeleg å rådføre seg med i einskilde saker.

§ 6

Sakshandsaming

For sakshandsaming i utvalet gjeld Reglement for sakshandsaming i politiske utval.